

**სახელმწიფო პროგრამა - „აწარმოე საქართველოში“ ინდუსტრიული ნაწილის ფინანსებზე
ხელმისაწვდომობის კომპონენტის კრედიტის მიმართულება
საბანკო კრედიტის ხელშეკრულება # _____ -ის დანართი**

, საქართველო,

წლის

1. ინფორმაცია მხარეების შესახებ:

1.1.	ბანკი:	
1.1.1.	საფირმო სახელწოდება:	სს „ლიბერთი ბანკი“
1.1.2.	საიდენტიფიკაციო კოდი:	203828304
1.1.3.	წარმომადგენლის სახელი და გვარი:	
•	წარმომადგენლის თანამდებობა:	

1.2.	კლიენტი:	
1.2.1.	სახელწოდება/სახელი და გვარი:	
1.2.2.	საიდენტიფიკაციო/პირადი ნომერი:	
1.2.3.	წარმომადგენლის სახელი და გვარი:	
•	პირადი ნომერი:	
•	წარმომადგენლის თანამდებობა:	

იმის გათვალისწინებით, რომ:

- სახელმწიფო პროგრამის ფარგლებში ხორციელდება კლიენტის დაფინანსება და დაფინანსებისთვის საჭირო სხვა პირობებთან ერთად დადგენილებით განსაზღვრულ საკითხებთან დაკავშირებით უნდა მოხდეს მხარეებს შორის შეთანხმება,

მხარეები თანხმდებიან შემდეგზე:

2. ტერმინთა განმარტება

- 2.1. დადგენილება - 2014 წლის 30 მაისის საქართველოს მთავრობის #365 დადგენილება და მასში შესული ყველა ცვლილება-დამატება;
- 2.2. დეფოლტი - ბანკსა და კლიენტს შორის კრედიტთან დაკავშირებით დადებული გარიგებ(ებ)ით, მათ შორის საბანკო კრედიტის ხელშეკრულებით გათვალისწინებული ისეთი გარემოებ(ებ)ის დადგომა, რომელიც ბანკს ანიჭებს ზემოაღნიშნული გარიგებ(ებ)ის ცალმხრივად შეწყვეტის ან/და კრედიტის თანხის ვადაზე ადრე სრულად დაფარვის მოთხოვნის უფლებას უფლებას;
- 2.3. სახელმწიფო პროგრამა - დადგენილებით განსაზღვრული სახელმწიფო პროგრამის - „აწარმოე საქართველოში“ ინდუსტრიული ნაწილის ფინანსებზე ხელმისაწვდომობის კომპონენტის კრედიტის მიმართულება;
- 2.4. სააგენტო - საქართველოს ეკონომიკისა და მდგრადი განვითარების სამინისტროს სისტემაში შემავალი სსიპ - აწარმოე საქართველოში;
- 2.5. კრედიტი - საბანკო კრედიტის ხელშეკრულებით გათვალისწინებული სესხი;
- 2.6. თანადაფინანსება - სახელმწიფო პროგრამის ფარგლებში პროექტის თანადაფინანსება, სააგენტოს მხრიდან ბანკის მიერ გაცემულ კრედიტზე დარიცხული წლიური საპროცენტო განაკვეთის სახელმწიფო პროგრამით განსაზღვრული პირობებით დაფარვა;

3. განცხადებები და გარანტიები

- 3.1. კლიენტი ადასტურებს, რომ: (ა) ბანკმა სრულად და გარკვევით მიაწოდა კლიენტს ინფორმაცია სახელმწიფო პროგრამის პირობების და ამ პროგრამიდან გამოდინარე კლიენტის ვალდებულებების შესახებ; (ბ) კრედიტთან დაკავშირებულ გარიგებებს დებს საკუთარ ცოდნაზე, სხვადასხვა წყაროდან მოკვლეულ ინფორმაციაზე და მიღებულ კონსულტაციაზე დაყრდნობით.
- 3.2. კლიენტი აცხადებს და ადასტურებს, მისთვის ცნობილია, რომ:
 - 3.2.1. კრედიტი ფინანსდება სახელმწიფო პროგრამის ფარგლებში, შესაბამისად მისთვის ცნობილია, დადგენილებით განსაზღვრული მოთხოვნები, მათ შორის: (ა) დაფინანსების კრიტერიუმები, მიზნობრიობა; (ბ) სანქცია/პირგასამტეხლო, გათვალისწინებული სახელმწიფო პროგრამის ფარგლებში გაცემული კრედიტის მიზნობრიობის დარღვევისთვის; (გ)

კრედიტთან დაკავშირებით ბანკსა და სააგენტოს შორის ინფორმაციის/დოკუმენტაციის მიმოცვლის მოთხოვნები; (დ) წარმოების დაწყებისა და საქმიანობის პროფილის შენარჩუნების დაცვის მოთხოვნები.

3.2.2. დეფოლტის შემთხვევაში თანადაფინანსების ფარგლებში სააგენტო არ განახორციელებს კრედიტის პროცენტის თანადაფინანსებას;

3.2.3. თანადაფინანსებით სარგებლობისას, კრედიტის ეფექტური საპროცენტო განაკვეთის დაანგარიშებისას ბანკის გადაწყვეტილებით შესაძლოა არ იქნას გათვალისწინებული სააგენტოს მხრიდან თანადაფინანსებული პროცენტი;

4. განსაკუთრებული მოთხოვნები

4.1. თუ სააგენტოს მიერ კრედიტის დადასტურებიდან არაუგვიანეს 6 (ექვსი) თვის ვადაში არ განხორციელდება კრედიტის თანხის ერთიანად ან პირველი ტრანშის სახელმწიფო პროგრამით დადგენილი მინიმალური მოცულობით გაცემა, ასეთ შემთხვევაში სააგენტო აღარ მოახდენს კრედიტის თანადაფინანსებას, რაც ამავდროულად გულისხმობს, რომ სახელმწიფო პროგრამის ფარგლებში ბანკი აღარ გაცემს კრედიტს.

4.2. კლიენტი ვალდებულია:

4.2.1. სააგენტოს მიერ კრედიტის დადასტურებიდან არაუგვიანეს 2 (ორი) წლის მანძილზე მოახდინოს კრედიტის სრული ოდენობით ათვისება. ამასთან, 2 (ორი) წლიანი ვადის გასვლის შემდეგ კლიენტის მიერ კრედიტის ათვისების შემთხვევაში, სააგენტო თანადაფინანსებას განხორციელებს კრედიტის მხოლოდ იმ ნაწილზე, რომელიც გაცემულ იქნა სააგენტოს მიერ კრედიტის შესაბამისი დადასტურებიდან 2 (ორი) წლის ვადაში;

4.2.2. მოახდინოს მიზნობრივი საქმიანობის განხორციელებისათვის საჭირო სამეურნეო/ადმინისტრაციული შენობა-ნაგებობის ადაპტირება შეზღუდული შესაძლებლობის მქონე პირთა მოთხოვნების შესაბამისად. ამ ვალდებულების ვალდებულების დარღვევის შემთხვევაში, მათ შორის, თუ სააგენტო დამოუკიდებლად გადაწყვეტს, რომ აღნიშნული ვალდებულება დარღვეულია, კლიენტს დაეკისრება სააგენტოს სასარგებლოდ ჯარიმა 200 (ორასი) ლარის ოდენობით, რომელიც უნდა ჩარიცხოს კლიენტმა საქართველოს სახელმწიფო ბიუჯეტში დაჯარიმებიდან არაუგვიანეს 30 (ოცდაათი) დღის ვადაში და კლიენტს მიეცემა 6 (ექვსი) თვიანი ვადა ზემოაღნიშნული ადაპტირების ვალდებულების შესრულებისთვის;

4.2.3. მოახდინოს თანამშრომლების შერჩევის ეტაპზე, ერთი და იმავე კვალიფიკაციის კანდიდატების შორის, შეზღუდული შესაძლებლობის მქონე პირ(ებ)ისათვის უპირატესობის მინიჭება. ამ ვალდებულების ვალდებულების დარღვევის შემთხვევაში, მათ შორის, თუ სააგენტო დამოუკიდებლად გადაწყვეტს, რომ აღნიშნული ვალდებულება დარღვეულია, თითოეულ ასეთ შემთხვევაში, კლიენტს დაეკისრება სააგენტოს სასარგებლოდ ჯარიმა 200 (ორასი) ლარის ოდენობით, რომელიც უნდა ჩარიცხოს კლიენტმა საქართველოს სახელმწიფო ბიუჯეტში დაჯარიმებიდან არაუგვიანეს 30 (ოცდაათი) დღის ვადაში;

4.2.4. სააგენტოს მოთხოვნის შემთხვევაში, მოთხოვნიდან არაუგვიანეს 10 (ათი) სამუშაო დღის ვადაში მიაწოდოს სააგენტოს ფინანსური და სხვა სახის მოთხოვნილი ინფორმაცია სააგენტოს მიერ შემუშავებული ფორმის შესაბამისად. ამ ვალდებულების ვალდებულების დარღვევის შემთხვევაში, თითოეულ ასეთ შემთხვევაში, კლიენტს დაეკისრება სააგენტოს სასარგებლოდ ჯარიმა 200 (ორასი) ლარის ოდენობით, რომელიც უნდა ჩარიცხოს კლიენტმა საქართველოს სახელმწიფო ბიუჯეტში დაჯარიმებიდან არაუგვიანეს 30 (ოცდაათი) დღის ვადაში.

4.2.5. უზრუნველყოს წარმოების დაწყება და წარმოების პროფილის შენარჩუნება დადგენილებით განსაზღვრულ ვადებში. ამ ვალდებულების ვალდებულების დარღვევის შემთხვევაში (საკმარისია თუ სააგენტო ან/და ბანკი დასაბუთებულად მიიჩნევენ, რომ დარღვეულია ვალდებულება), კლიენტს დაეკისრება სააგენტოს სასარგებლოდ ჯარიმა, რომლის ოდენობა, გადახდის ვადა და წესი განისაზღვრება სააგენტოს მიერ.

5. უფლებები და ვალდებულებები

5.1. კლიენტი აცხადებს გამოუთხოვად თანხმობას, რომ კრედიტის განაცხადის დამუშავების, კრედიტთან დაკავშირებული ინფორმაციის აღრიცხვის, მონიტორინგის, კონტროლის, მართვის ან/და კანონმდებლობით დაშვებული სხვა მიზნ(ებ)ისთვის, ნებისმიერი ოდენობით, მოცულობით და სიხშირით:

5.1.1. ბანკი (ან მისი უფლებამონაცვლე) უფლებამოსილია, გადასცეს სააგენტოს, გამოითხოვოს სააგენტოსგან, გადასცეს ნებისმიერ პირს (თუ ასეთი პირის სასარგებლოდ ხდება/განხორციელდა კრედიტთან დაკავშირებული გარიგებებიდან მოთხოვნის დათმობა), დაამუშაოს კრედიტთან, ასევე კლიენტთან, დაკავშირებულ ხელშეკრულებაში მითითებულ პირ(ებ)თან და უზრუნველყოფის საშუალებასთან დაკავშირებული ნებისმიერი ინფორმაცია (მათ შორის პერსონალური მონაცემები და ფინანსური ინფორმაცია) ან/და დოკუმენტი;

5.1.2. სააგენტო უფლებამოსილია გადასცეს ბანკს (ან მის უფლებამონაცვლეს) ან/და გამოითხოვოს ბანკისგან (ან მისი უფლებამონაცვლისგან), ასევე დაამუშაოს კრედიტთან, ასევე კლიენტთან, დაკავშირებულ ხელშეკრულებაში მითითებულ პირ(ებ)თან და უზრუნველყოფის საშუალებასთან დაკავშირებული ნებისმიერი ინფორმაცია (მათ შორის პერსონალური მონაცემები და ფინანსური ინფორმაცია) ან/და დოკუმენტი (მათ შორის, ერთმნიშვნელოვნად, საბანკო კრედიტის ხელშეკრულება და უზრუნველყოფის გარიგებები);

5.1.3. თუ კლიენტი საბანკო მომსახურების მიღებისა და სახელმწიფო პროგრამაში მონაწილეობის მიზნით, ბანკს აწვდის ოჯახის წევრ(ებ)ის ან/და სხვა პირთა (თავდები, უზრუნველყოფის გარიგების მხარის და სხვა) შესახებ ინფორმაციას/დოკუმენტაციას, მათ შორის პერსონალურ მონაცემებს, კლიენტი ამავდროულად ადასტურებს, რომ

მოპოვებული აქვს ზემოაღნიშნულ პირთა თანხმობა, მათ შესახებ ინფორმაციის, მათ შორის პერსონალური მონაცემების **ბანკისთვის** გადაცემასა და შემდგომ დამუშავებაზე, მათ შორის **კრედიტის/სახელმწიფო პროგრამის** მონიტორინგის მიზნებისათვის ამ ინფორმაციის **სააგენტოსთვის** შეუზღუდავად გაზიარებაზე. **კლიენტის** მიერ ამგვარი ინფორმაციის **ბანკისთვის/მისი უფლებამოსილი პირისთვის** ან/და უშუალოდ **სააგენტოსთვის** მიწოდების ფაქტი გულისხმობს **კლიენტის** მიერ ამ პიროვნებისგან თანხმობის მოპოვებას და აღარ საჭიროებს **ბანკის** ან **სააგენტოს** მიერ ასეთი დასტურის მოპოვებას.

5.2. **სააგენტო** უფლებამოსილია **საბანკო კრედიტის ხელშეკრულების** მოქმედების პერიოდში, **ბანკთან, კლიენტთან** ან/და **დაკავშირებულ ხელშეკრულებაში** მითითებულ პირ(ებ)თან წინასწარი შეთანხმების გარეშე, **სააგენტოს** მიერ დადგენილი სიხშირით და პერიოდულობით, განახორციელოს **კრედიტის** მიზნობრიობის მონიტორინგი, მათ შორის შესაბამისი წარმომადგენლ(ებ)ის ადგილზე ვიზიტის გზით.

5.3. **ბანკი** უფლებამოსილია **საბანკო კრედიტის ხელშეკრულების** მოქმედების პერიოდში, **სააგენტოსთან, კლიენტთან** ან/და **დაკავშირებულ ხელშეკრულებაში** მითითებულ პირ(ებ)თან წინასწარი შეთანხმების გარეშე, **ბანკის** მიერ განსაზღვრული სიხშირით და პერიოდულობით, განახორციელოს **კრედიტის** მიზნობრიობის მონიტორინგი, მათ შორის შესაბამისი წარმომადგენლ(ებ)ის ადგილზე ვიზიტის გზით.

5.4. **კლიენტი ვალდებულია:**

5.4.1. მკაცრად დაიცვას **კრედიტის** მიზნობრიობა;

5.4.2. **ბანკის** ან/და **სააგენტოს** მოთხოვნის შემთხვევაში, ასეთი მოთხოვნიდან 10 (ათი) სამუშაო დღის ვადაში მიაწოდოს **ბანკს, სააგენტოს სახელმწიფო პროგრამის** ფარგლებში დაფინანსებულ კრედიტთან დაკავშირებული ყველა საჭირო ინფორმაცია, დოკუმენტი.

5.4.3. **ბანკის** წერილობითი მოთხოვნიდან 10 (ათი) დღის ვადაში, აუნაზღაუროს **ბანკს სააგენტოს** მიერ დაკისრებული ნებისმიერი თანხა (პირგასამტეხლო ან ნებისმიერი სხვა გადასახდელი), რაც **ბანკის** დასაბუთებით (**კლიენტისთვის** ყოველგვარი დამატებითი დოკუმენტალური მტკიცებულებების წარდგენის გარეშე) გამოწვეული იქნება **კლიენტის** ბრალეული ქმედებით (მოქმედებით ან უმოქმედობით);

5.4.4. **ბანკის** მოთხოვნის შესაბამისად, გადაიხადოს **საბანკო კრედიტზე** დარიცხული (ასევე მომავალში დარიცხული) პროცენტი სრული ოდენობით ((იგულისხმება: (ა) ის ნაწილიც, რომელიც უნდა გადახდილიყო **სააგენტოს თანადაფინანსებით**; და (ბ) სააგენტოს მიერ უკანგამოთხოვილი **თანადაფინანსებული** თანხაც)) თუ **სააგენტო** ნებისმიერი საფუძვლით (იმის მიუხედავად თუ ვისი ბრალეულობით იქნება ეს გამოწვეული), სრულად ან ნაწილობრივ, არ განახორციელებს, შეწყვეტს, შეაჩერებს **თანადაფინანსებას** ან/და უკან გამოითხოვს **თანადაფინანსების** თანხას.

5.5. **ბანკი უფლებამოსილია:**

5.5.1. **თანადაფინანსების** ნებისმიერი საფუძვლით **სააგენტოს** მიერ შეწყვეტის, შეჩერების, გამოთხოვის შემთხვევაში ან/და **კლიენტის** მიერ ამ **დანართით ბანკისთვის** ან/და **სააგენტოსთვის** მინიჭებული უფლებამოსილებების/გაცემული თანხმობის (ან მისი ნებისმიერი ნაწილის) რომელიმე საფუძვლით გაუქმების/შეჩერების შემთხვევაში (ა) შეაჩეროს ან შეწყვიტოს **კრედიტის** ტრანშის (ნაწილის) გაცემა; ან/და (ბ) **კლიენტის** 5 (ხუთი) დღით ადრე წინასწარი შეტყობინების გზით ცალმხრივად გაზარდოს **კრედიტის** საპროცენტო განაკვეთი.

5.5.2. მოითხოვოს **კრედიტთან** დაკავშირებული გარიგებ(ებ)ის, მათ შორის **საბანკო კრედიტის ხელშეკრულების** პირობების შეცვლილი გარემოებებისადმი მისადაგება (შეცვლა) (ხოლო **ბანკის** მიერ ინიცირებული შეცვლილი პირობები ძალაში შევა **კლიენტის** 10 (ათი) დღით ადრე შეტყობინების გზით) იმ შემთხვევაში თუ **სახელმწიფო პროგრამის** შესაბამისი ნორმატიული აქტ(ებ)ით სხვა პირობ(ებ)ით ჩამოყალიბდება, რამაც შესაძლოა საზიანოდ იმოქმედოს **ბანკის** ინტერესებზე.

5.5.3. ნებისმიერ პირს დაუთმოს **კრედიტთან** დაკავშირებით დადებული გარიგებ(ებ)იდან გამომდინარე **ბანკის** მოთხოვნა.

6. **სხვა პირობები**

6.1. წინამდებარე **დანართი** წარმოადგენს **საბანკო კრედიტის ხელშეკრულების** განუყოფელ ნაწილს და მასზე სრულად ვრცელდება **საბანკო კრედიტის ხელშეკრულების** მუხლ(ებ)ის, პუნქტ(ებ)ის ან/და ქვეპუნქტ(ებ)ის მოქმედება. ამასთან, **საბანკო კრედიტის ხელშეკრულების** პირობებსა და **წინამდებარე დანართის** პირობებს შორის წინააღმდეგობის არსებობისას უპირატესობა მიენიჭება ამ **დანართის** პირობებს.

6.2. **დანართის** თითო იდენტური ეგზემპლარი გადაეცათ **მხარეებს**.

7. **მხარეთ ხელმოწერები**

ბანკი

კლიენტი